



مشیخت جلیله اسلامیه نک جریده رسمیه سیدر

جادی الاخره ۱۳۳۴ [*]

اوپنچی سنه

آیده بر نشر اولنور

عددو : ۲۴

مجلس تدقیقات شرعیہ مقرراتی

معرفۃ النعمان قضاسی محکمہ سندن ۵ ربیع الاول سنہ ۱۳۲۳ تاریخیلہ اعطا اولنان اعلام شرعی حقندہ

اعلام مذکورک خلاصہ مآلی متوفی عبداللہک اوغلی اولوب نفسندن اصیل وزوجہ سی عبوش ایلہ قزلری زکیہ وفاطمہ نک وکیللری عبدالرحمن ومتوفانک قزی حنوف ودیکر زوجہ سی امینہ نک وکیللری حاجی سعید مجلسدہ بابالری متوفی ربیعک ترکہ سنہ وضع یدلری ثابت اولوب نفسندن اصیل و همشیرہ سی خدوجک وکیل شیخ محمود مواجہہ سندہ متوفای مزبور ربیع حیاتندہ متوفای مزبور حاجی عبداللہدن ایکی سنہ مدتله استدانه وتسلم ایلدیکی اون بیک غروش مقابلندہ تحت تصرفندہ بولنان معلوم الحدود مع کدک دکانی آلتی بیک وبر قطعہ باغی اوچ بیک بشیوز وبر قطعہ ترلای دخی بشیوز غروشہ وفاء بیع ایتدکدن صکرہ قبل الادا داین ومدیون مزبوران وراثتلی وارثلری مرقومونہ منحصرأ وفات ایلدکلرندن بالبحث رهن مذکورک استردادیلہ کندیلرینہ عائد اولان دین مذکورک بینلرندہ تقسیم ایلمک اوزرہ طرفلرینہ تسلیمنی دعوی ایللری اوزرینہ مدعی علیہ اصیل و وکیل مزبور انحصار وراثتله ترکہ یه وضع یدلرینی اقرار وماعدایی انکار ایلہ برابر شریک اولان داین ومدیون مزبوران رؤیت ایتدکلری محاسبہ دہ اخدها آخردن استیمای حق ایدوب حتی داین مزبور عبداہ مدیون مزبور ربیعک ذمتندہ حتی قالمادیغنی اقرار ایلدیکنه دائر تصدی ایلدیکی دفعی انکارہ مقارن اثباتدن اظهار عجز ایدوب طلیله مدعون مزبورون تحلیف اولنملریلہ دافع مزبور دفع مذکوریلہ معارضه دن بعد المنع مدعیان مزبوران بروجہ محرر مدعالرینی بالینہ اثبات ایتملریلہ استظهاراً بعد التحلیف موجبہجہ بالحکم مرجع رؤیتی محکمہ نظامیہ اولان ارض مذکوردن ماعدا دکان وباغی استرداد ایتک اوزرہ مبلغ مذکورک ترکہ مدیون متوفادن داین متوفای مرقومک ورثہ سنہ تسلیمہ مدعی علیہ اصیل و وکیل مزبورہ تنیہ اولندیغنی ناطق اولوب مآلی شاهد ابراهیمک منسوب اولدیغنی محلہ دن علناً تزکیہ ایدلامسی برسبب شرعی یه مستند ومدعیلر علی طریق البتات دخی استظهاراً تحلیف ایدلمشلرایسہ اصولنہ موافق دیو فتواخانہ عالیدن محرر قیدلر اوراقی میانندہ بولنان ضبط دعوی صورت مصدقہ سیلہ اشعار محلیدن دخی حل اولنہ مدیغنی جهتله برنہج شرعی یکیدن اجرای محاکمہ ضمنندہ اوراق تمیزیہ قضاء مذکور قاضیلکنہ مظروفاً اعادہ قلندی .

برغمه قضای محکمه سندن ۵ صفر سنه ۳۳۴ تاریخچه اعطا اولنان اعلام شرعی حقنده

اعلام مذکورک خلاصه مالی زینب خاتون مجلس شرعده ملا حسین وسید علی
مواجهه لرنده وراثتی کنديسیله صلی اولادی کیر محمد علی وصغیر اسماعیل و خالد وکلی
وکلزار وارزویه منحصرأ وفات ایدن زوجی قدرینک حیاتنده مزبور ملا حسینک
قائم والده سی بهیه خاتونک ترلاسنه مزبور سید علی ایله مشترکا زرع ایتدکلی بقله
محصولی اولان یتیش ایکی کیله نک نصفی مزبوره بهیه عائد اولوب نصف دیگرندن زوجی
متوفای مزبورک حصه سنه اصابت ایدن اون سکز کیله بقله دن کنديسیله اولاد صفاری
مزبورونک حصه ارثیه لرینی دعوی ایلمسی اوزرینه مدعی علیهمادن مزبور ملا حسین
مشترک بقله نک یتیش کیله اولدیغنی وقائم والده سنک نصف حصه سی اولان اوتوز بش کیله
بالافراز متوفای مزبورک حصه سی اوله رق اون یدی بچق کیله بقله یی صاتیغنی وامثالی
چارشو وپازارده موجود اولدیغنی اقرار واقاده ایله برابر قیمتی اولان سکز یوز یتیش
بش غروشی متوفانک قائم والده سنه اولان دنته محسوب ایلدیکنی مزبور سید علینک
اقرار وتصدیقته ومدعیه مزبوره نک انکارینه مقارن مدافعه درمیان ایتیش ایسه ده
مدعی علیه مزبور ملا حسینک قائم والده سی طرفندن بر صفت شرعی سی بولنمادیغنه
ومدعیه مزبوره دخی فضله بقله دعواسندن فراغت ایلمسنه بناء متوفای مزبورک مشترک
بقله دن حصه سی اولان اون یدی بچق کیله دن مدعیه زوجة مزبوره ایله صفار مزبورونک
حصه لرینه اصابت ایدن بقله نک امثالی مدعیه مزبوره یه ادا وتسلیم ایله مدعی علیه مزبور
ملا حسین الزام اولندیغنی و ۱۰ ربیع الاخر سنه ۳۳۴ تاریخلی تحشیه نک مالی دخی
مدعیه مزبوره اولادی صفار مزبورونک وصیلری اولمادیغنی جهتله حصه لرینی دعوا یه
صلاحیتی اولماین اولبایدکی ادعاسنک ردیله مدعابه بقله دن حصه ارثیه سنه اصابت ایدن
ایکی کیله بر اولچک ایکی ربع بقله نک مثلاً مدعیه مزبوره زینبه ادا وتسلیمیه مزبور
ملا حسینک الزام اولندیغنی ناطق ومالی قاضی مومی الیهک هامش اعلامده کی تحشیه سنه
نظراً الزام اخیر مذکور حقنده اصوله موافق اولوب انجق حادثه ده صفار مزبورونه
بر وصی نصبی وطلییه مدعی علیه مرقومک اقراری موجبجه صفاره عائد حصص
حقنده دخی مرقومک وجه شرعی اوزره الزامی مقتضی اولدیغنه دیو فتواخانه عالیدن
محرر وصورت مصدقه سی اوراقی میاننده کی ضبطنه مطابق ولایحه مندرجاتی دخی غیر

وارد اولغله اصولاً تنفیذی و صفار حقننده فتواخانه عالی تحشیه سی موجبجه ایفای معامله ضمنتده اوراق تمیزیه قضاء مذکور قاضیلکنه مظروفا اعاده قلندی .

★
★ ★

مدینه منوره محکمه سندن ۳۰ رجب سنه ۳۳۳ تاریخیه اعطا اولنان اعلام شرعی حقنده
اعلام مذکورک خلاصه مالی معرفه الذات خدیجه نك ذکری آتی خصوصده وکیلی
باباسی محمد دوردی افندی مجلسده مصطفی صبری افندی مواجهه سنده مدعی علیه مزبور
مصطفی صبری افندی موکله سی مزبوره خدیجه بی اون عدد لیرای عثمانی مهر مؤجل
و اوتوز عدد لیرای عثمانی مهر معجل که جمعاً قرق عدد لیرای عثمانی مهرین تسمیه سیله
محضر شهودده تزوج و تنکح و قبول ایدوب موکله سی قزی مزبوره نك زوج داخلی
اولغله ذمتده مقرر و معقود علیه مهر معجل مذکورندن غیراز تسلیم الاجنی اولان
یکرمی عدد لیرای عثمانی ادا و برمسکن شرعی تدارک ایدنجیه دکن موکله سی مزبوره
ایله صغیره قزی حسنه یه قدر معروف نفقه فرض و تقدیری بر قطعه سند ابرازیه دعوی
ومدعی علیه مزبور دخی مدعیه موکله مزبوره زوجة منکوحه مدخول بهاسی اولوب
صغیره مزبوره حسنه دخی مدعیه مزبوره دن متولده صلیه قزی اولدیغنی طوعاً اقرار و اعتراف
ایدوب فقط حین عقدده معجل اوله رق اوتوز عدد لیرای عثمانی مهر تسمیه قلندیغنی
و مهر مذکورینه محسوباً بعدالعقد یکرمی درت عدد لیرای عثمانی بی قبضه وکیلی اولان
باباسی وکیل مزبوره و امریله الی لیرالق التون بر سواره آلوب زوجیه سی مزبوره یه
تسلیم و بناء علیه مهر مذکورندن ذمتده آله جنی قالمایوب سند مذکورده کی مهر وامضایی
انکار برله مسکن شرعیسی اولان منزله کله رک مدعیه موکله مزبوره نك کندویه اطاعتی
دعوی و بناء علیه مهرک مقدارنده اختلاف و طرفین متنازعین مجاوریندن بولنلرینه مبنی
مهر مثلی تحکیم ممکن اوله میه جفنی تذکار ایللری اوزرینه مدعیه وکیلی مزبور بروجه
محرم زیاده مهر مدعاسنی اثبات ایده میوب بالطلب مدعی علیه مزبور مصطفی صبری افندی
وجه شرعی اوزره تحلیف اولغله موجبجه وکیل مزبور بروجه محرم زیاده مهر مدعاسیله
مدعی علیه مزبوره بلاینه معارضه دن بعدالمنع مدعی علیه مزبور دخی بروجه محرم مهری
ادا و تسلیم حقنده تصدی ایلدیکی دفعی اثباتدن اظهارعجز ایدوب بالطلب مدعیه و وکیلی
مزبوراندن هربری بعد التحلیف موجباً نجه مدعی علیه مزبور دخی بروجه محرم تسلیم